

كلية التربية  
الاسلامية

..قصته..

# نعيم اننا القائل

ندي الزين

نعم أنا القاتل

# نعم أنا القاتل

ندى الزيني

ندى الزيني

# نعم أنا القاتل

تصميم: -

الغلاف الخارجي: فاطمة السيد

الغلاف الداخلي: فاطمة السيد

تعبئة وتنسيق: فاطمة السيد

تدقيق وتصحيح لغوي وإملائي: فاطمة السيد

تصنيف القصة: اجتماعي، نفسي، جريمة

© جميع الحقوق محفوظة لدى الكاتبة

ويُمنع أخذ أي إقتباس أو إعادة نشر في أي صورة كانت إلكترونية أو بأية وسيلة سمعية أو بصرية دون إذن كتابي من الكاتبة.

## الإهداء

إهداء إلى: الذي يُفكر أن المرء ليس لديه رد فعل  
أو دفاع عن النفس.

\*\*\*\*\*

## المقدمة

ضجيج رأسك الذي لا يكف، يُريد أن يرسل لك حديثه  
المُثير والإندماج معه، عقلك هذا يُفكر بطرق جامحة لكي  
يأخذ ثأره وقلبك هذا ينبض باسمك يُناديك ويُحذرك من  
المُجازفة مع عقلك، لكن أحياناً عقلك يكون على صواب  
وقلبك عطوفاً بطريقة مُبالغة فتقتل قلبك حتى يُصبح مثل  
الحجر الصلب لا يشعر، وبذلك أول شيء قتلته هو قلبك  
النابض وقتل معه شعورك بالحُب والألفة، ظل فقط العضو  
الذي برأسك يُدير لك المكائد وأنت تسمع منه كأنك طفل  
تُطيع والدته فأصبحت قاتلاً بسبب عقلك.

\*\*\*\*\*

فتح عينيه بتروٍ عندما تسالت أشعة الشمس على وجهه، استقام بنصف جسده وأراحها على ظهر الفراش ثم رفع كفيه يفرك وجهه الناعس، التقطت اذنيه صوت والدته الحبيبة عندما قالت بوجه بشوش:

- صباح الخير يا صلاح .

رد "صلاح" بابتسامة مُشرقة ظهرت على مُحياه:

- صباح النور والياسمين يا سِت الكُل .

ابتسمت له و التفت لكي تُبأشر عملها في المنزل وقبل أن تخرج من غرفته قالت بجدية:

- تليفونك مـبطلش رن، رُد على  
صُحابك يا حبيبي وأنا هحضر ليك  
الفِطار .

زفر بضيق وهو يُمسك بهاتفه بين يديه  
وهمس بحُنق:

- مش وقته خالص .

بعث قليلاً بهاتفه وضغط على رقم هاتف  
صديقه "حُسام"، انتظر ثواني ثُمَّ سمع  
صوته يأتي عبر سماعة هاتفه:

- إيه يا عم صلاح فينك؟

أجابه الآخر بهدوء:

- كُنت لسه نايم يا حُسام .

تنهد "حُسام" قائلاً بحماس:

- طب يلا بسرعة قوم وفوق كدا  
عشان خروجة النهاردة، محمود  
بيقول هتبقى خروجة محصلتش .

- حاضر .

أغلق الهاتف بضيق ونهض من فراشه  
خارجًا من الغرفة، توجه للمرحاض  
وصفق الباب خلفه بسرعة، تسارعت  
نبضات قلبه بخوف شديد وشعر بارتجاف  
يديه، رفع أنظاره باتجاه المرآة ورمق  
وجهه العاكس بها فشاهد وجهه الذابل و  
عينييه التي تُحيطهم هالات سوداء وشعره  
الغير مُرتب، حوّل أنظاره باتجاه الصنبور  
وفتحه بسرعة فتدفقت المياه الباردة إليه  
غسل بها وجهه الشاحب وشعره، أغلقه



وتتهد بخُزن عندما تذكر بعض مُقتطفات  
من أقوال أصدقائه:

- يا صلاح بلاش خيالك يروح لبعيد  
إنت مُجرد خريج خدمة اجتماعية  
يعني ملكش لازمة .

- طول عُمرِك فاشل يا صلاح .

- هو من إمتى كان ليك رأي؟، إنت  
عارف كويس مكانتك بينا عاملة  
إزاي .

- متحاولش تبين إنك شخص ناجح  
في حياتك عشان بتضحك على  
نفسك .

- مفيش بنت هتقبل بواحد عاطل لسه  
بيحاول يطور من نفسه في حاجة  
مش نافعة .

ابتلع ريقه بمرارة و قال بابتسامة باهتة:

- إيه يا صلاح ما هُما عندهم حق  
برضه .

خرج من المرحاض ويعلو وجهه ابتسامة  
واسعة مُزيفة، رأى شقيقته وهي مُقبلة  
عليه تصيح بحماس:

- صلوحة بقولك عايزة أخرج أشم  
هوا .

عقب شقيقها وما زالت ابتسامته المُزيفة  
على ثغره:

-وماله أطلبني وأنا أنفذ، أنا خارج  
النهاردة مع أصحابي بس مش عايز  
أقعد معاهم واحنا نُخرج مع بعض  
وأعدي أسلم عليهم ونمشي .

أومات موافقة وذهبت من أمامه إلى  
غُرفتها لكي تتجهز بينما هو اتجه لسُفرة  
الطعام وجلس بجانب والدته بهدوء  
وشَرع في التناول، شَعِر بيد والدته تربت  
على كتفه بحنان شديد سائلة إياه بصوتٍ  
ضعيف حاني:

-فاكرني مش واخدة بالي منك يا  
صلاح؟، احكي يا ابني مالك؟

استدار برأسه ناحيتها ورمقها بنظرات  
غامضة ثم نبس بهدوء:

- مفيش يا ماما الحمد لله كله تمام .

سألته مرة ثانية باهتمام:

- طب وشُغل المدرسة اللي قدمت فيها

إيه أخبارها؟

رد بابتسامة باهتة:

- لسه مجاش الرد قالولي بعد أسبوع

من دلوقتي .

تههدت بارتياح شديد وقالت بابتسامة

مُشرقة:

- ربنا معاك يا ابني، يلا افطر .

أوماً بهدوء لها وتناول القليل ونهض

ذاهباً للمرحاض مرة أخرى حتى يتوضأ

لكي يُصلي الظهر، ذهب لغرفته وفرش

سجادة الصلاة خاصته ووقف على طرفها  
رافعاً كفيه وهو ينبس قائلاً بخشوع:  
- الله أكبر .

بعدما انتهى من تضرعه لله - عزَّ وجل  
- اتجه لخزانة ملابسه وانتقى بنطال من  
خامة الجينز وكنزة بيضاء سادة، ارتدى  
سريعاً ومشط شعره الكثيف وخرج من  
غُرفته يُنادي على شقيقته:

- ريم!

أجابت "ريم" وهي تخرج من غُرفتها  
بحماس طفلة صغيرة في العاشرة من  
عُمرها، ضحك شقيقها قائلاً بمزاح:

- على فكرة أنتِ آنسة عندها ١٨ سنة

يعني واحدة ناضجة .

لوحث بيدها بعدم اكتراتِ قائلة:

- لا متكبرنيش أنا لسه صغيرة يا عم

صلاح، يلا بقى عايزة أخرج .

اقترب منها وقبّل رأسها بحنوٍ قائلاً:

- عينيا يا ريم يلا بينا .

- يا عم سيبك أصلاً دا هيجي يُقعد

زي قِلتَه .

قالها "محمود" وهو يجلس على مقعد

وثير، عقب عليه "حسام" صديقه بعدم

اكتراتِ:

- مش مُهم يا محمود أهو اديني

قولت ليه عشان ميزعلش مِننا .

أصدر الآخر صوت ساخر من فمه ثمّ قال

بتهمك لاذع:

- ما يزعل، خايف على مشاعره أوي

يعني؟!!

تدخل ثالثهم "زياد" قائلاً ببسمة عابثة:

- بقولكوا ايه سيبكوا من الكلام دا كُلّه

خلينا في المُهم دلوقتِي، جبتوا

المطلوب؟

رد "محمود" بخُبث:

- ودي حاجة أنساها برضه دي اللي

هتخلي القعدة .

أنهى حديثه وهو يرفع كفه يُفرقع إصبعيه  
مُصدرًا صوتًا كأنه تنبيه، أتت لهم مُدبرة  
في عُقدها الرابع تركض لهم بطاعة،  
ابتلعت ريقها و ابتسمت بسمة صغيرة  
لهم قائلة:

- أوامر يا بيه .

لم ينظر لها "محمود" وكأنه يعتمد  
إهانتها، قال لها بنبرة أمرة:

- هاتي الحاجة اللي قولتاك تُحطِها في  
أوضتي .

أومات بامتعاض وذهبت سريعًا وهي تُتم  
بحُنق:

- ربنا يهديكم وتبطلوا القرف دا .



ولجيت لُغُرفته الخاصة واتجهت ناحية الكومود الصغير الذي يوجد بجانب الفِراش، فتحت الدرج على مصرعيه وأخذت مِنْهُ حقيبة بلاستيكية سوداء مُتوسطة الحجم، نظرت له بسخط قائلة:

-سامحني يا رب لولا الحوجة للفلوس ما كُنت هشتغل في البيت دا .

استقامت وذهبت لهم، أعطت الحقيبة لرب عملها "محمود" وسألته بهدوء حذر:

-تؤمّر بحاجة تانية يا بيه؟

أشار لها بيده بأن تتصرف من أمامه، فتح الحقيبة وألقى نظرة عابرة على ما بداخله فكان يوجد به أكياس صغيرة مُغلقة بإحكام وبداخل تلك الأكياس مادة

بيضاء اللون تُشبه طحين الطعام، ابتسم  
بظفر وأخذ منها ثلاث أكياس ووزع على  
أصدقائه قائلًا ومازلت بسمته على  
وجهه:

- يلا قبل ما اللي اسمه صلاح دا يجي .

فتح "زياد" الكيس الصغير واقترب من  
الطاولة الصغيرة التي أمامه وفضَّ  
البعض من محتوى الكيس على الطاولة  
ودنا بوجهه ناحيتهم يستنشق بشراهة  
مريض و كذلك فعل البقية مثله .

وصل لمنطقة هادئة خالية من الناس  
قليلاً، التفّت لشقيقته يأمرها بصوتٍ  
رزين:

- ريم خليكِ هنا متتحركيش من مكانك

خمس دقائق بالظبط وراجع تاني .

أومات بطاعة له ووقفت في مكانها

مُلتزمة الصمت بينما ولج "صلاح"

لداخل البناية الشاهقة لأصدقائه، طرق

باب الشقة بطرقات ثابتة وهو يزفر

بضيق شديد ويُتمتم بسخط جلي على

ملامحه، فتحت له المُدبرة وقالت له

بابتسامة عملية:

- اتفضل يا ابني هُما جوا .

دخل المنزل واشتم رائحة غريبة، ذهب

للغرفة التي يعلم مكانها وقبل أن يمرق

لُهم صُعق من الذي يراه أمامه فكان

أصدقائه مازالوا بنفس جلستهم، صاح  
بهم بصدمة:

- إيه اللي انتوا بتعملوه دا؟

رفع "حسام" أنظاره له وسأل ببرود:

- بنعمل إيه يعني؟، بنتسلى شوية .

كز "صلاح" على أسنانه بعصبية مُفرطة  
قائلاً وهو يخرج من الغرفة:

- أنا كُنت حاسس إن في حاجة غلط  
بتعملوها من ورايا وعلى العموم سلام  
ميشرفنيش إن يبقى ليّ صُحاب زي  
أمثالكم .

ضحك "محمود" وهتف بسخرية:

- بالسلامة والقلب داعيلك .

خرج "صلاح" من المنزل وهو مُحْتَقِن

الوجه بينما صاح "زياد" في أصدقائه:

- انتوا أغبية؟، ممكن يروح يبلغ علينا

تعالوا نلحقه .

وقف ثلاثتهم وعدلوا من هياتهم سريعًا

وركضوا خلف "صلاح" الذي هبط

بالمصعد الكهربائي ووصل لشقيقته التي

نظرت له بغرابة سائلة إياه:

- مالك يا صلاح؟

أجابها بغضب:

- مفيش يا ريم يلا من هنا .

كاد أن يذهب من ذلك المكان ولكن سمع

"صلاح" هتاف "زياد" الذي كان

يُنَادِيهِ:

- صلاح!، استنى نفهك .

استدار لهم الآخر وزمجر بصوتٍ عنيف:

- ابعدوا عني ومن النهاردة لأنتوا

صُحابي ولا أعرفكم وهقول لأهاليكم

تربيكم من أول جديد .

اقترب منه "زياد" يستعطفه بحديثه:

- اسمعنا بس يا صلاح دي كانت لحظة

طيش مِننا .

رفع "صلاح" سبابته أمام وجه الآخر

يُهدده:

- أنا مش عايز أسمع منكم حاجة

وامشي من وشي احسنك .

صاح صوت "محمود" الساخط:

- بقى واحد زيك يهددنا؟، روح قول

اللي تقوله ميفرقش معانا .

لكزه "حسام" من كتفه وهو يهمس له:

- بس يا غبي هنروح في داهية .

كل هذا أمام مرئ و مسمع "ريم" التي

ارتجفت أوصالها بالكامل وتشبثت بيد

شقيقها بخوف شديد، همست له بنبرة

مُرتجفة:

- يا صلاح يلا نمشي .

شدد قبضته التي تُمسك بيدها قائلاً:

- حاضر يا ريم هنمشي .

سار خطوتان ويسحب شقيقته خلفه، سمع

صرخة شقيقته وهي تُناديه وشعر بيدها

تتسبب عنوة من يده، التفقت للخلف  
فراى "حسام" يحاصر شقيقته من عند  
رقيبها وييده مديّة صغيرة «مطوّة»،  
صرخ يُهدد "صلاح" بقوة:

- لو اتحركت خطوة كمان هقتل اختك  
دي .

احتقن وجهه و زمجر بغضب جامح:

- سيب أختي احسنك .

ابتسم بخُبث قائلاً:

- هسيبها بس بشرط .

صمت برهة وأكمل:

- متقولش لحد على اللي حصل فوق أي  
كان مين .



تردد كثيرًا ولكن قال بحزم:

- ماشي مُوافق بس من دلوقتي معدش  
ليّ علاقة بيكم .

أوما "حُسام" بهدوء مُزيف ورمق بقية  
أصدقائه بنظرة ذات مغزى، فهمها  
"محمود" سريعًا واقترب من "صلاح"  
بخطوات حثيثة دون أن ينتبه الآخر، دنا  
منه أكثر وأحاطه بقوة من الخلف قائلاً  
بسخرية:

- فاكرونا عُبط عشان نصدقك يا صلاح،  
يبقى بتحلم .

حاول الفكاك مِنْهُ لكن محاولته باءت  
بالفشل الذريع عندما عاون "زياد"

صديقه والاثنتان حاصروه بقوة، صرخ  
بهم بعصبية:

- سيبوني، صدقوني مش هقول حاجة .

ضحك اصدقائه بتهكم وتحذث "حسام"  
الذي مازال يُحاصر "ريم":

- عُمرنا ما هنصدق واحد زيك، أصلاً  
إنتَ داخل شِلتِنا غلط يا صاحبي .

عقب عليه "صلاح" وبدأت العِبَرَات  
تتجمع في مُقلتيه:

- مكُونتش قادر اتخيل إن بعد عِشرة  
سنين تطلعوا كدا وتهددوني مش كفاية  
بتقلوا من قيمتي وبفضل ساكت عشان  
مزعلش حد فيكوا!

صمت برهة وأكمل بصوتٍ مُشرج:

- عشان ماليش أخوات رجالة سند  
فكرتكم هتعوضوني بيه بس لأ طلع  
ظني العكس وكنت ساكت وبعمل نفسي  
فرحان وبفتخر بيكوا لما تتجحوا، لما  
شوفتكم وإنتوا بتشمووا القرف دا  
مصدقتش إن صُحابي يطلعوا كدا في  
الآخر وعاييزيني متكلمش ولا حتى  
افوقكوا من اللي إنتوا فيه؟!

رد "محمود" بسخرية:

- خلي حكك ليك عشان هتنفك .

ثم التفت لصديقه "حسام" مُردفًا:

- خرينا في المُهم أحسن .

نيس "صلاح" باستسلام:

- صدقوني مش هتكلم.

حدجه "زياد" قائلاً بتهكم:

- واحنا مش مصدقينك.

بينما "حسام" فكر قليلاً وأراد أن يستغل

فُرصته فقال بخُبث لـ "صلاح":

- مش هسيبها غير لما أخذ اللي أنا

عايزه منها.

فهم "صلاح" مغزى حديثه فصرخ

بتهديد:

- سيب اختي يا قدر.

هز الآخر رأسه بالرفض بينما "ريم"  
بكت بنحيب ضعيف وصرخت مُستغيثة  
بأخيها:

- إحققي يا صلاح .

- متخافيش يا ريم .

قالها لعل يُطمئنها بحديثه واستدار برأسه  
ناحية أصدقائه يتوسل لهم:

- أرجوكم سيبوني وسيبوا أختي الكلام  
معايا أنا وصدقوني أنا مش هقول  
حاجة والله .

لم يسمعوا له ورمقوا "حُسام" وهو  
يحمل "ريم" على كتفه سريعًا يتجه  
ناحية سيارته، اشتعل "صلاح" غضبًا  
وأدرك أن الاستعطاف ليس لديه نفعه

معهم، مدّ قدمه اليمنى ولفه حول قدم  
"محمود" وعرقله بقوة فتركه الآخر عنوة  
وسقط بعُنف على الأرضية الصلبة بينما  
"زياد" ترك ذراع "صلاح" واتجه  
لصديقه لكي يرى اصابته .

ركض "صلاح" ناحية "حسام" قبل أن  
يصعد لسيارته ولكمه بقوة في وجهه،  
ترنح جسد الآخر قليلاً لكنه تشبث جيداً  
بالفتاة التي يحملها، استغلت ريم" ترنح  
جسده فضربته بقوة على كتفه ورقبته  
فتألم وتركها، تأثير المخدر الذي كان  
يتعاطاه قبل قليل وضرباتهم الموجهة أدت  
لسقوطه أرضاً وهو في حالة من الوهن .

تملك الغضب لـ "صلاح" وتذكر مُقتطفات  
من حديث أصدقائه وتهديدهم له، كور  
قبضة كفه حتى أبيضت مفاصله وهبط  
بجسده ناحية "حُسام" وأخذ يضربه  
بقسوة وكأنه يخرج زمام تفكيره على  
جسد الآخر، لم يشعر بيديه وهما يتجهان  
ناحية رقبة "حُسام" تقبض عليه بقوة و  
عيناه تُطلق شرر مُستطر.

صرخت "ريم" وحاولت أن تُبعد شقيقها  
عنه وتحاول أن يدرك ما حوله لكن لم  
يسمع لها بل كان يسترق السمع لصوت  
عقله فقط، عقله الذي عرض ذكرياته مع  
أصدقائه كشريط سينمائي، تذكر ضحكاته  
ومشاكساته وصورهم الفوتوغرافية معهم،

تذكر عندما كان يستذكر دروسه معهم بكل حماس، وأيضًا تذكر عندما التحق بجامعة أقل منهم وهنا بدأت شخصياتهم الحقيقية في الظهور أمامه، تتمر، توبيخ، حديث مُتهكم، وهو كان يصمت لكي لا يحزنهم بقوله فالمعركة الكلامية بينهما كانت غير متكافئة قط، تدارك أخيرًا بالعالم حوله عندما شعر بتيّس جسد "حسام"، ابتلع لعابه بتوتر و رمق وجه "حسام" الشاحب و عيناه الشاحبة فأدرك الآن نتيجة غضبه الجامح.

استقام من موضعه وعينيه لا تُزال على جسد الآخر تتظّران له بتوجس، حملق في يديه المرتجفة ثم عاد بنظراته لـ



"حُسام" الذي استكان جسده و زهقت  
روحه للخالق .

أتى "زياد" و "محمود" الذي كان  
يُمسك برأسه المتألم نتيجة سقوطه  
الغنيف، شهق بصدمة عندما رأى هيئة  
"حُسام"، صرخ "زياد" بهلع وهو يسأل  
"صلاح" الذي كان لا يتحرك:

- قتلته يا صلاح؟، قتلت حُسام  
صاحبك؟

كز "صلاح" على أسنانه ورد بعُنف:

- متقولش صاحبي لأن عُمركو ما  
كنتوا صُحابي، إنتوا مش صُحابي .

ثُمَّ رفع كفيه أمام أنظارهم وهو يبتسم  
بتوسع مُكَملاً:

- أيوه أنا قتلته بإيديا دول .

صمت و عاد يُردف مرة أُخرى و قد  
تحولت عيناه إلى الظلام:

- كُنت بجيب حق أختي وحقى .

تابعهم حارس البناية من بعيد، فغر فمه  
بصدمة قائلاً:

- يا ليلة مش معدية .

التقط هاتفه من جيبه سريعًا و اتصل  
بالشرطة يخبرهم بالذي رآه بعينه، بينما  
"صلاح" ظل واقفًا يرمق فعلته النكراء  
بملامح غريبة جامدة، وشقيقته أخذت  
تبكي بخوف شديد و"محمود" و "زياد"  
ظلا صامتين لأن الصدمة أجمت  
ألسنتهم .

اعتدل الضابط في جلسته ورمق  
"صلاح" بعُفق ثُمَّ تنهد سائلاً إياه  
باهتمام:

- يعني إنتَ اللي قتلت صاحبك؟

رفع الآخر انظاره له والتزم الصمت دون  
أن يرد، ظل دقائق في نفس الحالة حتى  
زفر بهدوء مُجيباً بنبرة مُريبة:

- أيوه أنا اللي قتلته .

تابع الضابط أسئلته وهو مازال يرمقه  
بدقة:

- ليه قتلته؟

أجاب "صلاح" بسؤال مُتهكم:

- مش يمكن عشان القتل هو الحل  
الوحيد؟؟؟

قطب الضابط جبينه بحيرة من سؤاله

الغامض وسأله بعدم فهم:

- قصدك إيه مش فاهم؟

عقد الآخر ساعديه أمام قفصه الصدري

وهز كتفيه كإجابة وجيزة بأنه لا يعلم ثم

قال بعيون قاتمة:

- مش مهم يا حضرة الظابط المهم

إن المُتَم قُدامك أهو اعترف

بالحقيقة وخلص .

ضرب الضابط كفيه على طرف المنضدة

الخشبية بعصبية قائلاً:

- بس أنا عايز أعرف الأسباب مش

هتقتل كدا والسلام .

صرخ "صلاح" باهتياج وكأنه يُحارب  
صراع رأسه:

- أقولك قتله عشان كان هيتعدى على  
أختي؟، ولا عشان كان بيشررب  
مُخدرات؟، ولا عشان كان بيستهزأ  
بيّ هو وصُحابه؟

زم الضابط شفّتيه بتفكير وأشار إليه لكي  
يجلس على المقعد الذي يوجد على طرف  
المنضدة في الاتجاه الثاني، جلس الآخر  
واغمض عينيه ثمّ رفع كفيه يضعهما  
على صدغيه، تابعه الضابط بهدوء و  
التفت للذي كان يجلس بجانبه على مقعد  
آخر يدون التحقيق بتركيز شديد، سأله  
بخفوت:

- سجلت المَحْضَر؟

أوماً الآخر بعملية وأعطى له ورقة التي  
دوّن بها الحديث عبر الطابعة، نادى  
الضابط العسكري الذي يقف في الخارج  
وأمره بأن يأخذ "صلاح" ويأتي  
بأصدقائه .

في ذلك الوقت كان يُفكر الضابط بتمعن  
شديد و حدث نفسه قائلاً:

- الواد دا مش طبيعي .

طرق باب عُرفته فأذن للطارق بالدخول،  
طلّ من الباب "محمود" و "زياد" الذين  
بدى عليهم التوتر والخوف، وقفوا أمامه  
وأنظارهم أرضاً، سألهم بعملية شديدة:

- إيه اللي حصل بالتفصيل؟

رد "محمود" بنبرة مُرتجفة:

- احنا كُنَّا واقفين عادي و بنقول  
لصلاح يطلع معانا زي العادة لاقيناه  
ماسك حُسام وضربه وخنقه  
ومنعرفش السبب إيه .

رفع الضابط حاجبه بعدم اقتناع و سأل  
مرة أخرى:

- وأخت صلاح كانت بتعمل إيه معاكم؟

أجابه تلك المرة "زياد" بجسارة زائفة:

- منعرفش، صلاح هو اللي جابها  
معاه .

وزع الضابط نظراته لهم ولاحظ الارتباك  
الشديد الذي يُسيطر عليهم فتأكد من  
كذبهم عليه، نادى العسكري لكي يأمره

بأخذهم مع "صلاح" يضعهم في  
الزنزانة، و لكن أمر بأن "صلاح" يضع  
في زنزانة فارغة بمفرده .

جلس أمام صديقه و مدَّ يده التي كانت  
تُمسك بشظيرة ساخنة وقال مُبتسماً:

- خُد يا سامح كُل .

أخذ مِنْهُ المدعو "سامح" وتناول بشرود  
شديد، سأله رفيقه بتوجس:

- مالك يا سامح سرحان في إيه؟

تنهد "سامح" وأجابه بتفكير عميق:

- في القضية الجديدة حاسس إن في  
حاجة غريبة أوي، إن اللي اسمه  
صلاح دا يعترف على طول كدا و



كمان جريمة قتل، مستغرب  
بصراحة.

قال رفيقه بعدم اكتراث:

- يا عم فكك وافرح كدا القضية تقفل  
على طول ومفيش وجع دماغ.

هز الآخر رأسه بالرفض قائلاً وهو يتذكر  
هيئة "صلاح":

- لأ الموضوع مش هيتقفل كدا،  
صلاح دا مش في حالة طبيعية لازم  
يتعرض على دكتور نفسي عشان لو  
كان فيه حاجة يتخفف عنه الحكم و  
كمان دا كان دفاع عن النفس وعن  
اخته.

زم رفيقه شفتيه بتفكير وأيده قائلاً:

- فعلاً لو كان عنده مرض نفسي  
هيخرج براءة عشان مكش في  
كامل قواه العقلية، خلاص نعرضه  
على دكتور نفسي .

بعد عدة أيام من التحقيق وقام الضابط  
"سامح" بعرض "صلاح" على طبيب  
نفسي والذي كان مُستسلماً ولا يدري  
بالعالم حوله كأنه تائه في صحراء قاحلة،  
امسك بالتقرير الطبي وأمامه يقف الطبيب  
يشرح له بعملية حالة "صلاح":

- بالفعل يا فندم المُتهم مش في حالة  
طبيعية طلع مُصاب بمرض  
«البارانويا»، المرض دا رئيسه  
الاضطرابات الشخصية ومتشعب منه

كذا مجموعة حالة المريض تُصنف  
ضمن المجموعة «أ»، والمجموعة  
دي بتوضح الحالة المُرتابة اللي فيه  
وحضرتك كنت قولت ليّ إنه تعرض  
لإهانة من اللي قتله، فالمرض دا  
أثر بشكل كبير على عقله أدت إنه  
يقتل الشخص دا عشان ياخذ حقه  
من الإهانة و للأسف لازم يتلقى  
العلاج السريع عشان دا خطر  
ويُعتبر مش في كامل قواه العقلية  
وأظن إن التقرير دا كفيّل إن  
يخرجه براءة .

أوما الضابط بعملية وشكر الطبيب  
بابتسامة صغيرة، عرض الضابط ذلك

التقرير لـ "وكيل النيابة" وقال له بنبرة  
رسمية:

- أظن يا فندم التقرير دا يخرجه  
براءة والقاضي مش هيقدر يُحْكَم  
عليه بحاجة.

أيده الآخر قائلًا بجدية:

- عندك حق فعلاً، وأهي الجلسة بُكرا  
نشوف القاضي هيحكم بإيه بس  
دلوقتي البراءة في صالح المُتهم دا  
والحُكم هيبقى على محمود وزياد  
عشان التعاطي وكمان التتمر تُعتبر  
قضية سب وقذف يا سامح .

أوماً "سامح" بابتسامة عميقة واستأذن  
منه مغادراً الغرفة ويعلو وجهه ملامح  
الانتصار .

بعد مرور عامين من تلك الواقعة،  
احتضنت "ريم" شقيقها عند باب شقة  
منزلهم وهي تصيح بحماس:

- بجد فخورة بيك أوي أوي .

بادلها العناق وهو يبتسم بإشراق قائلاً:

- أنا بعافر عشانك وعشان ماما .

ابتعدت عنه وأخذت تلك الشهادة التي  
بيده والورقة الصغيرة التي معها وركضت  
لداخل المنزل لوالدتها تصيح بفرحة طفلة  
صغيرة:

- يا ماما صلاح خذ مُكافأة واترقى  
في شُغله .

أتت الوالدة وتساءلها بتلهف:

- مالك يا ريم وصوتك عالي كدا ليه؟

دنت منها ابنتها ووضعت في كفها  
الشهادة وورقة المُكافأة قائلة:

- شوفي يا ماما .

نظرت الوالدة باتجاه الورقة الصغيرة  
وشهقت بفرحة عارمة، رآهم "صلاح"  
وابتسم برضا قائلاً:

- الحمد لله .

# تمت بحمد الله